

# FLAVETTES B-COMPLEX FORTE TABLET

Thiamine HCl (B1)/Riboflavin (B2)/Pyridoxine HCl (B6)/Cyabocobalamine (B12)/Nictoinamide (10.0mg/3.0mg/2.0mg/3.0mcg/25.0mg)

## Apakah yang ada pada risalah ini?

1. Apakah kegunaan Flavettes B-Complex Forte
2. Bagaimana Flavettes B-Complex Forte berfungsi
3. Sebelum menggunakan Flavettes B-Complex Forte
4. Cara menggunakan Flavettes B-Complex Forte
5. Semasa menggunakan Flavettes B-Complex Forte
6. Kesan-kesan sampingan
7. Cara penyimpanan dan pelupusan Flavettes B-Complex Forte
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP

## Apakah kegunaan Flavettes B-Complex Forte

Flavettes B-Complex Forte digunakan untuk merawat keadaan kekurangan vitamin B kompleks.

## Bagaimana Flavettes B-Complex Forte berfungsi

Flavettes B-Complex Forte mengandungi lima bahan aktif iaitu Thiamine HCl, Riboflavin, Pyridoxine HCl, Cyanocobalamine dan Nicotinamide. Ini adalah vitamin B yang akan menggantikan kekurangan dalam badan.

Vitamin B1 menggalakkan metabolisma gula dan asid lemak yang betul untuk mendapatkan tenaga agar jantung dan sistem saraf dapat berfungsi dengan baik.

Vitamin B2 membantu penggunaan karbohidrat, protein dan lemak dalam sel-sel badan dan ia juga diperlukan untuk kulit yang sihat.

Vitamin B6 membantu dalam pembentukan sel-sel darah merah

dan membetulkan fungsi sistem saraf.

Vitamin B12 juga membantu dalam pembentukan sel-sel darah merah, dengan itu membantu untuk mencegah sesetengah bentuk anemia.

Nicotinamide membantu sistem saraf dengan menggalakkan tindakbalas yang menghasilkan tenaga di dalam sel-sel.

Hubungi doktor anda sekiranya anda mempunyai sebarang persoalan tentang tujuan Flavettes B-Complex Forte dibekalkan kepada anda. Doktor anda mungkin membekalkan Flavettes B-Complex Forte untuk tujuan lain.

## Sebelum menggunakan Flavettes B-Complex Forte

- Bila tidak boleh menggunakan  
Jangan mengambil ubat ini jika anda mempunyai alahan terhadap vitamin B atau sebarang bahan kandungan lain yang disenaraikan pada hujung risalah ini.

Flavettes B-Complex Forte bukan digunakan untuk rawatan anemia yang disebabkan oleh kekurangan vitamin B12.

Jangan mengambil Flavettes B-Complex Forte selepas tarikh luput pada pek ini atau jika terdapat tanda salahguna pada pembungkusan.

Jika ia sudah luput atau rosak, kembalikan kepada ahli farmasi anda untuk dilupuskan.

Jika anda tidak pasti sama ada anda patut mula mengambil ubat ini, sila tanya doktor anda.

## - Sebelum menggunakan Flavettes B-Complex Forte

Beritahu doktor anda jika anda mempunyai alahan terhadap sebarang ubat, makanan, pengawet atau pewarna.

Beritahu doktor anda jika anda hamil atau bercadang untuk hamil.

## - Jika mengambil ubat-ubat lain

Beritahu doktor atau ahli farmasi anda jika anda sedang mengambil ubat lain, termasuklah sebarang ubat yang anda beli tanpa preskripsi daripada farmasi, pasaraya atau kedai makanan kesihatan.

Doktor dan ahli farmasi anda mempunyai lebih banyak maklumat tentang ubat-ubat yang perlu diberi perhatian semasa mengambil Flavettes B-Complex Forte atau yang perlu dielakkan.

## Cara menggunakan Flavettes B-Complex Forte

Patuhi semua arahan yang diberikan oleh doktor atau ahli farmasi anda dengan teliti.

Arahan-arahan ini mungkin berbeza daripada maklumat yang terkandung dalam risalah ini.

Sekiranya anda tidak faham arahan pada pek ini, tanya doktor atau ahli farmasi anda.

## - Berapa banyak harus digunakan

Ambil satu biji setiap hari atau seperti yang diarahkan oleh doktor.

## - Bila perlu digunakan

Ambil Flavettes B-Complex Forte pada masa yang sama setiap hari.

## - Berapa lama perlu digunakan

Teruskan mengambil Flavettes B-Complex Forte selagi diarahkan oleh doktor anda.

- Jika terlupa menggunakan

Ambil dos yang tertinggal sebaik sahaja anda teringat dan kemudian kembali mengambil ubat anda seperti biasa.

Jangan gandakan dos untuk menggantikan dos yang terlupa dengan mengambil lebih daripada satu dos pada masa yang sama. Ini mungkin meningkatkan peluang anda mendapat kesan sampingan.

Jika anda mempunyai masalah untuk mengingat masa pengambilan ubat, tanya ahli farmasi anda untuk dapatkan tips.

- Jika mengambil berlebihan (terlebih dos)

Jika anda fikir anda atau orang lain mungkin terlebih mengambil Flavettes B-Complex Forte, hubungi doktor anda untuk mendapatkan nasihat atau pergi ke bahagian kecemasan hospital yang terdekat dengan segera.

Ini mesti dilakukan walaupun tiada tanda ketidakselesaan atau keracunan.

Anda mungkin memerlukan rawatan perubatan dengan segera.

**Semasa menggunakan Flavettes B-Complex Forte**

- Perkara yang perlu dilakukan

Sentiasa mematuhi arahan doktor anda dengan teliti.

Beritahu semua doktor, doktor gigi dan ahli farmasi yang sedang merawat anda bahawa anda sedang mengambil Flavettes B-Complex Forte.

Jika anda akan mula mengambil sebarang ubat baru, beritahu doktor dan ahli farmasi anda bahawa anda sedang mengambil Flavettes B-Complex Forte.

- Perkara yang tidak boleh dilakukan

Jangan mengambil Flavettes B-Complex Forte untuk merawat sebarang masalah lain melainkan diarah oleh doktor anda.

Jangan beri ubat anda kepada orang lain, walaupun mereka mengalami keadaan yang sama seperti anda.

- Perkara yang perlu diberi perhatian

Berhati-hati apabila memandu atau mengendalikan mesin sehingga anda tahu bagaimana Flavettes B-Complex Forte mempengaruhi anda.

**Kesan-sesan sampingan**

Semua ubat boleh membawa kesan sampingan. Kadang kala kesan sampingan ini serius, tetapi selalunya tidak. Anda mungkin memerlukan rawatan perubatan jika anda mengalami sesetengah kesan sampingan.

Tanya doktor atau ahli farmasi anda jika anda mempunyai sebarang persoalan.

Beritahu doktor anda jika anda mendapati apa-apa yang membuatkan anda rasa tidak sihat. Kesan sampingan lain yang tidak disenaraikan di atas mungkin berlaku di kalangan sesetengah pesakit.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui No. Tel: 03-78835550, or atau laman web [npra.moh.gov.my](http://npra.moh.gov.my) (*Public → Reporting Medicinal Problems / Side Effects / AEFI / Vaccine Safety*)

**Cara penyimpanan dan pelupusan Flavettes B-Complex Forte**

- Penyimpanan

Simpan ubat anda dalam peknya. Jika anda mengeluarkan ubat daripada pek, ia mungkin tidak dapat dikekalkan dalam keadaan yang baik.

Simpan ubat anda di tempat kering bersuhu bawah 30°C. Lindungi daripada cahaya.

Jangan simpan Flavettes B-Complex Forte atau ubat lain dalam bilik mandi atau dekat sinki.

Jangan tinggalkan ubat di dalam kereta atau atas unjuran tapak tingkap.

Haba dan kelembapan boleh merosakkan sesetengah ubat.

Simpan di tempat yang tidak boleh dicapai oleh kanak-kanak.

Almari yang berkunci sekurang-kurangnya satu setengah meter dari aras lantai ialah tempat yang sesuai untuk menyimpan ubat.

- Pelupusan

Jika doktor atau ahli farmasi anda mengarahkan anda berhenti mengambil Flavettes B-Complex Forte atau ubat ini sudah melepassi tarikh luputnya, sila tanya doktor atau ahli farmasi anda apa yang patut dilakukan dengan sebarang ubat yang tinggal.

**Maklumat lanjut**

- Rupa dan warna produk

Pil berdiameter 8mm, berbentuk bulat, cembung, bersalut, berwarna jingga.

- Bahan-bahan kandungan

Bahan aktif:

- Thiamine HCl (B1)
- Riboflavin (B2)
- Pyridoxine HCl (B6)
- Cyanocobalamin (B12)
- Nicotinamide

Bahan tidak aktif:

- Opadry orange
- Opagloss clear
- Microcrystalline cellulose
- Colloidal silicon dioxide
- Croscarmellose sodium
- Lactose anhydrous
- Magnesium stearate

- Nombor MAL

MAL06051567XZ

**Pengilang**

UPHA PHARMACEUTICAL  
MFG (M) SDN BHD (53667-M)  
Lot 2&4, Jalan P/7, Section 13,  
Bangi Industrial Estate, 43650  
Selangor Darul Ehsan, Malaysia

**Pemegang Pendaftaran Produk**

CCM PHARMACEUTICALS  
SDN BHD (27754-W)  
Lot 2&4, Jalan P/7, Section 13,  
Bangi Industrial Estate, 43650  
Selangor Darul Ehsan, Malaysia

**Tarikh kemaskini RiMUP**

19/06/2017

Nombor siri:

BPK (R4/1)15062017/00132